



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pastorvm Concionatorvmqve Instrvctiones

Borromeo, Carlo

Coloniae, 1587

VD16 B 6753

De elocutione concionatoris.

[urn:nbn:de:hbz:466:1-51263](#)

140 CONCIONATORVM
teriam aliquis locus, aut occasio præbeat
De elocutione concionatoris.

ELOCUTIONIS genus exquisitum ne
affectet.

Fucum omnem fugiat.

Imperitē multitudinis consuetudinem
loquendi ne sequatur: cūm in ea sint multa
absurda, multaque indigna concionantis
grauitate.

Dicendi forma vtatur, cui per artem, &
que exercitationem par esse possit.

Verba antiqua, & peregrina fugiat.

Fati, fortunæ, infortunij nomina, aliaq;
id generis ab Ecclesiæ vsu iam pridé explo-
sa, omnino cauebit.

Epithetorum item nimiū vsum, & poe-
ticum dicendi genus ne consecetur.

Anicularum non adhibeat proverbia.
Inflata oratione ne vtatur, sed graui.

Exordiatur moderato, & temperato
dicendi genere: in quo exordio vitentur
similitudines, presertim poetico more ex-
plicatae.

Vocabulorum frequentem synonymiā
omnino caueat: nisi cūm vnum altero sig-
nificantius, aut magis proprium fuerit.

Metaphoras, similitudines, & exempla
à rebus maximè notis, & insignibus sumat:
nam deijcit maiestatem orationis, qui à re-
bus

bus humilibus similitudines frequenter
trahit.

Vim illam dicendi vehementem, & cō-
citatam ne affectet importunè: sed ijs præ-
parationis vijs, quæ suprà commonstratæ
sunt, ad eam spiritus sancti ope, atque auxi-
lio, feratur, vt auditoribus proficit.

Eiusdem rei répétitionem vitet, quoniā
molesta est, & affectum restinguat.

Cùm de peccatis, ad luxuriā pertinenti-
bus, agit, cautionem adhibeat, ne impru-
dens in obsecrēa verba incidat.

Et videat in primis, ne loquendo turpes
cogitationes iniijciat.

Exclamationes videat, quo loco adhi-
beat: ac raro quidem certè:

Adulationis verba omnino fugiat, cùm
de magistratibus, aut apud eos verba facit.

Ambitiosum dicendi genus caueat.

Splendidos titulos, & nomina adiuncta
illustria, vt, serenissimus Dauid, planè re-
ijciet.

Honorifica tamen, breuique præfatio-
ne eos viros excipiet, quorum exempla
proponit ad imitationem: id quod aliquos
antiquos Patres, præsertim Gregoriū Na-
zianenum, facere animaduertimus.

Verba ecclesiastica, & si minus elegantię
habent, ne dicere recuset: at prophana, &
nouarepudiet omnino.

Apo-

Apostolos, martyres, virgines, confessores, & qui cœlesti gloria perfruuntur, sancti nomine semper appellat.

Dictionem vitet, quæ indignationem, & fastidium parit, præsertim cum de incommodis suis loquitur.

Attentionem cum petit, ne arroganter faciat: néue se magna dicturum, & admirabilia polliceatur.

Ne ambiguè loquatur, vt eadem oratio varium sensum possit afferre.

Ne cōcise item, vt auditores incerti sint, & animo pendeant.

Ne obscurè, vt dictum facile percipi nō queat.

De voce, & corporis motu.

DE pronunciatione, gestu, actione, ab antiquis rhetoribus permulta tradita sunt, quæ exquisito quodam studio perinde consectetur, quasi in ijs ipsis bene concionandi finis positus sit, hoc longe alienum esse debet à concionatore verbi Dei: cum iij præsertim motus corporis aliquos commonstrarint, nō modò leues, pueriles, sed planè histrionicos, ob eamque rem indigos & persona concionantis, & auctoritate suggesti: qui locus grauissimus est. Quæ igitur de toto illo genere isti præceperūt; eorum tantum, quæ ad grauitatis, decorique laudem insignia sunt, delectum quendam